



Broj: 07-14-1747/19  
Vogošća, 15.10.2019. godine

Na osnovu člana 69. stav 3. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14 i 14/15-Prečišćeni tekst), Općinski načelnik je dana 15.10.2019. godine donio

## **ODLUKU O OTKAZIVANJU POSTUPKA JAVNE NABAVKE**

### **Član 1.**

Otkazuje se Otvoreni postupak javne nabavke radova na nabavci i postavljanju kamene skulpture u centru kružnog toka "Vogošćanska petlja" broj: 07-14-1747/19 zajedno sa Obavještenjem o nabavci broj: 1353-1-3-199-3-152/19 objavljenim na Portalu javnih nabavki BiH dana 07.10.2019. godine.

### **Član 2.**

Otvoreni postupak se otkazuje u skladu sa članom 69. stav 3. Zakona o javnim nabavkama BiH ("Službeni glasnik BiH" broj: 39/14), odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka nabavke.

### **Član 3.**

Ova Odluka stupa na snagu danom donošenja, a objaviće se na web stranici Općine Vogošća, uz objavljivanje Obavještenja o poništenju postupka nabavke na Portalu javnih nabavki BiH.

## **OBRAZLOŽENJE**

Općinski načelnik je dana 02.10.2019. godine donio Odluku o pokretanju Otvorenog postupka nabavke radova na nabavci i postavljanju kamene skulpture u centru kružnog toka "Vogošćanska petlja", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 07.10.2019. godine pod brojem: 1353-1-3-199-3-152/19.

Sažetak Obavještenja o nabavci objavljen je u "Službenom glasniku BiH" broj: 69/19 od 11.10.2019. godine.

Tendersku dokumentaciju sa Portala javnih nabavki BiH je preuzelo 6 (šest) ponuđača.

Krajnji rok za dostavu ponuda predviđen je za 23.10.2019. godine do 14:00 sati.

Služba za komunalne, poslove mjesnih zajednica i zajedničke poslove Općine Vogošća je na osnovu dopisa Službe za urbanizam i prostorno planiranje Općine Vogošća broj: 05-23-1559/18 od 12.06.2019. godine podnijela zahtjev za pokretanje otvorenog postupka nabavke radova na nabavci i postavljanju kamene skulpture u centru kružnog toka "Vogošćanska petlja". Kako je navedeno u spomenutom dopisu, obaveza Općine Vogošća je izgradnja sadržaja u centru raskrsnice sa kružnim tokom saobraćaja.

Međutim, u period od podnošenja Zahtjeva za provođenje postupka nabavke do danas, a nakon objavljivanja Obavještenja o nabavci i TD na Portalu javnih nabavki BiH, JP Ceste Federacije BiH je pronašlo način da radove koji su predmet postupka izvede u sklopu radova na izgradnji kružne

raskrsnice. Kao upravitelj magistralnih puteva u Federaciji BiH, JP Ceste Federacije BiH vode aktivnosti na implementaciji projekta izgradnje kružne raskrsnice.

Iz navedenih razloga, Služba za komunalne, poslove mjesnih zajednica i zajedničke poslove Općine Vogošća podnijela je zahtjev ugovornom organu za otkazivanje predmetnog postupka nabavke.

U postupku donošenja ove odluke nesumljivo je utvrđeno da postoje dokazivi razlozi izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke, te su se stekli zakonski uslovi za otkazivanje postupka javne nabavke radova na nabavci i postavljanju kamene skulpture u centru kružnog toka "Vogošćanska petlja".

Iz navedenih razloga, a u skladu sa članom 69. stav 3 Zakona o javnim nabavkama BiH odlučeno je kao u dispozitivu ove odluke.

**Pouka o pravnom lijeku:** Protiv ove Odluke o otkazivanju postupka javne nabavke može se izjaviti žalba u roku od deset dana od objavljivanja iste. Žalba se podnosi Uredu za razmatranje žalbi BiH putem ugovornog organa.

Dostavljeno:

1. Nadležnoj Službi
2. U dosije
3. a/a

OPĆINSKI NAČELNIK



Edin Smajić